



Broj predmeta: 13-003312/20
Broj akta: 01.1-1413EK-0015/21
Datum, 31.5.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (3) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom komisije za javne nabavke broj:13-003312/20 od 19.5.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak s međunarodnom objavom za nabavku, montažu i isporuku kancelarijskog namještaja za potrebe Policije Brčko distrikta BiH – lotovi 1-5, koji je pokrenut na osnovu Posebne odluke o pokretanju postupka javne nabavke broj: 13-003312/20, broj akta:01.1.1149AD-001/20 od 26.11.2020. godine, Obavještenja o nabavci na portalu javnih nabavki broj: 1157-1-1-820-3-677/20 od 1.12.2020. godine, specifikacije robe u vezi sa Tenderskom dokumentacijom broj: 13-003312/20, iz drugih dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, što prema čl. 69. stav (3) Zakona o javnim nabavkama predstavlja osnov za poništenje postupka javne nabavke.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno deset ponuda u postupku nabavke, sljedećih ponuđača: „Kabas“ d.o.o. Sarajevo, „Hafele BH“ d.o.o. Gračanica, „Mira-Mar“ d.o.o. Foča, „Derby Trade“ d.o.o. Brčko, „Masterwood Simić“ d.o.o. Brčko, „Tim Company“ d.o.o. Brčko, „Adut plus“ d.o.o. Banja Luka, Grupa ponuđača „Zanat-Tex“ d.o.o. Brčko i „Kevrić“ d.o.o. Brčko, „Bosna-Kom“ d.o.o. Gračanica i „Gavranović“ d.o.o. Prijedor. Sastavni dio odluke čini zapisnik sa otvaranja ponuda i izvještaj o pregledu i ocjeni ponuda. U međuvremenu su se desile određene okolnosti zbog kojih komisija za javne nabavke prilikom davanja preporuke nije mogla uzeti u obzir analizu ponuda. Pododjelu za javne nabavke je dana 16.3.2021. godine zaprimilo dopis od strane Jedinice kriminalističke Policije Brčko distrikta BiH broj: 14.02.3-04.2-18647/21 od 12.3.2021. godine kojim se dostavlja informacija da Policija i Tužilaštvo Brčko distrikta BiH provode istragu zbog osnova sumnje na izvršenje krivičnog djela pod nazivom „Nezakonito pogodovanje“ iz člana 377 Krivičnog zakona Brčko distrikta BiH u vezi sa postupkom javne nabavke: „Nabavka, montaža i isporuka namještaja za potrebe Policije Brčko distrikta BiH“, Komisija za javne nabavke je uputila dopis Tužilaštvu Brčko distrikta BiH kojim se zahtijeva dostavljanje informacije u vezi navedenog. Dana 17.5.2021. godine je zaprimljena informacija u Pododjelenju za javne nabavke proslijeđena od strane Tužilaštva Brčko distrikta BiH broj: T18 o KTK 0015042/21 od 12.5.2021. godine u kojoj je navedeno da se provodi istraga zbog osnovane sumnje da

se navedeno krivično djelo odnosi na postupak pripreme tenderske dokumentacije, čime je eventualno dovedena u pitanje transparentnost samog postupka, odnosno obaveza poštovanja osnovnih principa Zakona o javnim nabavkama definisanih članom 3. Zakona o javnim nabavkama. Komisija za javne nabavke je nakon toga dostavila preporuku za donošenje odluke o poništenju postupka javne nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Gradonačelniku,
3. Zamjeniku gradonačelnika,
4. Policiji BD BiH,
5. Ponuđačima,
6. „Službenom glasniku Brčko distrikta BiH“
7. Arhivi.

